



御批歷代通鑑輯覽卷之五十五

唐

玄宗明皇帝

戊寅開元二十六年春正月令天州縣里皆置學

夏六月立忠王璵為皇太子改名亨先更名紹又更名亨

李林甫數勸上立壽王瑁上以忠王璵年長孝謹好學

意欲立之猶豫不決常忽忽不樂高力士請其故上曰

汝揣我何意力士曰得非以郎君未定邪上曰然對曰

但推長而立誰復敢爭上曰汝言是也由是遂定璵將受冊

命儀注有中嚴外辦及絳紗袍與嫌與至尊同稱表請

易之于是停中嚴改辦曰備易絳紗袍為朱明服故事
太子乘輅至殿門至是璵不就輅步而入中嚴外辦
唐書禮樂志皇帝大祀致齋晝漏上水一刻待中版奏

立嫡何事賴官言一語
是欲不致幸獨之變靈
之偏得五

請中嚴諸衛人陳殿庭文武五品以上陪位二刻侍中
版奏外辦受朝日同皇太子亦中嚴外辦左庶子版奏
絳紗袍車服志皇帝冠通天冠服絳紗袍冬至受朝賀
祭還燕羣臣養老之服也皇太子冠遠遊冠服絳紗袍
謁朝還宮元日朔日
入朝釋奠之服也

突騎施殺其可汗蘇祿

初蘇祿廉儉攻戰所得悉與諸部分之由是眾樂為用

既尚唐公主帝以西突厥降王阿史那懷道之女為交河公主妻蘇祿突厥吐蕃亦

各以女妻之用度寔廣所得不復更分由是諸部離心

酋長莫賀達干夜襲蘇祿殺之都摩度立蘇祿之子骨

咄為吐火仙可汗收其餘眾居碎葉城吐火仙與莫賀達干相攻莫賀

達干遣使告磧西節度使益嘉運明年秋嘉運擊吐火仙禽之並取交河公主而還

九月丙申朔日食

冊南詔爲雲南王。

南詔之先本哀牢夷。

鳥蠻別種哀牢注見前。

地居姚州。

唐置今爲姚安府治。

西東南接交阯西北接吐蕃蠻語謂王曰詔先有六詔。

曰蒙嶲曰越析曰浪穹曰遼賧曰施浪曰蒙舍。蒙嶲

古爲嶲昆明漢置嶲唐縣晉以後没于蠻地在今大理

府雲龍州越析唐初置州後爲蠻所居亦曰磨些今麗

江府是浪穹今大理府浪穹縣是遼賧今大理府鄧川

州是施浪居矣苴和城在今浪穹縣蒙次和山下蒙舍

亦名陽瓜州今雲南蒙化廳是考通鑑蒙嶲遼賧施浪

三詔作蒙越樣備越澹今從唐書莫能相一歷代因之以分其勢蒙舍

最在南故謂之南詔至皮邏閣始彊大。

高宗時蒙舍細奴邏初入朝細

奴邏生邏盛邏盛生盛而五詔微弱乃賂劍南節度使

邏皮盛邏皮生皮邏閣王昱求合六詔爲一朝廷許之賜名歸義于是以兵威

脅服羣蠻遂破吐蕃徙居太和城。

在今大理府太和縣南名太和村城址尚

存

唐明皇帝

冊南詔爲雲南王

存。卒為邊患。胡三省曰。南詔自此始。

己卯 二十七年夏六月。貶張守珪為括州刺史。

幽州將趙堪。白真陀羅。矯節度使張守珪之命。使平盧

軍使烏知義。邀叛奚餘黨。知義不從。白真陀羅。矯稱制

指以迫之。知義出師。與奚遇。先勝後敗。守珪掩其敗狀

以克獲聞。事頗泄。上令內謁者監內官掌內傳宣。及諸親命婦朝會之籍。

牛仙童往察之。守珪重賂仙童。歸罪于白真陀羅。偁令

縊死。眾宦官疾仙童。發其事。上怒。杖殺之。守珪坐貶。已

守珪疽發背死。

秋八月。追謚孔子為文宣王。

先是。祀先聖先師。周公南向。孔子東向坐。制自今孔子

南向坐。被王者之服。釋奠用宮懸。贈弟子爲公侯伯。冬十二月更定禘祫之制。

初睿宗喪既除。祫于太廟。自是三年一祫。五年一禘。是歲夏既禘冬又當祫。太常以爲祭數則竇。請停祫祭。自是通計五年一禘一祫從之。

庚辰二十八年春正月。荆州長史張九齡卒。

上雖以九齡忤旨逐之。然終愛重其人。每宰相薦士。輒問曰。風度得如九齡不。讀曰否。及是以病卒。

三月丁亥朔日食。

立那史那明爲十姓。部。具見前。可汗。

突騎施吐火仙既被禽。詔立那史那懷道之子昕爲十

姓可汗。莫賀達干聞之怒曰：平蘇祿我功也。今立所謂

何遂誘諸部以叛。詔蓋嘉運招諭。以莫賀達干為突騎

施可汗。已而昕竟為莫賀達干所殺。西突厥遂亡。後安西節

度使夫蒙靈詒討莫賀達干斬之突騎施亦漸衰。

冬十月吐蕃寇安戎城。注見前。發關中兵救之。

初吐蕃陷安戎城而據之。事具前。其地險要唐屢攻之不

克。劍南節度使王昱築兩城于其側。運資糧以備之。吐

蕃發兵來救。昱眾大敗。脫身走。資仗皆沒。于是貶昱高

要。注見前。尉以張宥代之。宥文吏不習軍旅。悉以軍政委

團練副使。唐注凡有團結營之處置團練使。章仇。複姓本章氏因避仇遂加仇字。兼瓊

兼瓊入奏事。盛言安戎城可取。上說之以宥為光祿卿。

曰饑饉待奏報而後開倉
民其奚救其必於饑饉之
前卽奏報卽命有司開倉
庶于民得稍濟耳若如玄
宗之制先發後聞是惟廉
正如汲黯輩或可便宜行
事苟非其人將見民未蘇
而墨吏先飽其壑終於民
無少救蓋玄宗遠道于營
之舉不可爲訓也

兼瓊爲節度使兼瓊潛與安戎城中結謀使開門納唐

兵盡殺吐蕃將卒以監察御史許遠敬宗會孫守之至是吐

蕃寇安戎發關中彊騎救之吐蕃引去更命安戎城曰平戎

辛巳二十九年春正月立賑饑法

制曰前承饑饉皆待奏報然後開倉道路悠遠何救懸

絕自今委州縣及采訪使給訖奏聞

秋七月洛水溢

八月以安祿山爲營州都督

祿山傾巧善事人人多譽之上左右至平盧者祿山皆

厚賂之由是上益以爲賢又賂采訪使張利貞利貞盛

稱之上乃以爲營州都督充平盧軍使

冬十一月太尉寧王憲薨即宋王成器更封改名追諡曰讓皇帝

憲薨上哀惋特甚曰天下兄之天下也固讓于我為唐

太伯常名不足以處之乃諡曰讓皇帝其子汝陽王璣

表述先志固讓不許

十二月吐蕃陷石堡城

先是吐蕃四十萬人寇至安人軍在今西寧府西騎將臧希液

帥眾五千擊破之及是吐蕃攻陷石堡城蓋嘉運不能

禦初嘉運入朝獻吐火仙之捷上嘉其功以為河西隴右節度使經略吐蕃嘉運恃恩流連不時發裴耀卿

疏言嘉運雖勇烈有餘然言氣矜誇恐難成事況防秋非遠未言發期若臨事始去則士卒尚未相識何以制

敵乞速遣進途嚴加訓厲上乃趣嘉運行及是竟無狀

壬天寶元年春正月以安祿山為平盧節度使

是時天下聲教所被之州三百二十一。羈縻之州八百

唐書地理志自太宗平突厥西北諸蕃及蠻夷稍稍內屬。即其部落列置州縣。大者為都督府。以其首領為都

督刺史。凡州府八百五十六。號為羈縻云。置十節度經略使以備邊。安西節度。撫寧

西域。治龜茲城。北庭節度。防制突騎施。堅昆。治北庭都護府。河西節度。斷隔吐蕃。突厥。治涼州。朔方節度。捍禦

突厥。治靈州。河東節度。與朔方掎角。以禦突厥。治太原府。范陽節度。臨制奚契丹。治幽州。平盧節度。鎮撫室韋

靺鞨。治營州。隴右節度。備禦吐蕃。南撫蠻獠。治益州。嶺南五府。經略綏靜夷獠。治廣州。此外又有長樂。經略。福

州。領之。東萊守捉。萊州。領之。東牟守捉。登州。領之。龜茲。唐安西四鎮之一。本西域國。治伊邏虛城。即漢延城

也。今其地為庫車城。在吐魯蕃西南路。室韋契丹別種地。在今黑龍江西北。餘注俱見前。守捉。唐制。兵之戍邊

者。大曰軍。小曰守捉。凡鎮兵四十九萬人。馬八萬餘匹。開元之前

每歲供邊兵衣糧費不過二百萬。天寶之後。益兵浸多。

每歲用衣千二十萬匹。糧百九十萬斛。公私勞費。民始

困苦矣。

穿三門運渠。

陝州刺史李齊物。

淮安王神
通曾孫。

鑿底柱為門以通漕。開其

山巔為輓路。沃醯而鑿之。棄石入河。水益湍怒。舟不能

入新門。候水漲。以人輓舟而上。上疑之。遣宦者往視。齊

物厚賂宦者。還言其便。

羣臣請加尊號。

先是上夢玄元皇帝云。吾像在京城西南百餘里。遣使

求得之于鰲屋。

音周室。漢縣。今屬西安府。元和志山曲曰鰲。水曲曰屋。

樓觀山間。

元和志。樓觀在鰲屋縣。東。舊有尹先生樓。故名。

迎置興慶宮。至是陳王

帝之子。名珪。

府參軍田同秀言。玄元皇帝告以藏靈符在尹喜故宅。

宅在陝州靈寶縣函谷故關有望氣臺寰宇記春秋時喜為關令見紫氣丈餘飛入關曰必有異人過此次日老子果騎青牛至後人即其處立臺上遣使求得之羣臣上表以寶符潛

應年號請于尊號加天寶字從之于是加同秀朝散大夫時人皆疑寶符即

同秀所為間一歲清河人崔以清言見玄元皇帝藏寶符在武城紫微山勅使往掘亦得之東都留守王佳知其詐案問果服奏之上亦不深罪也其後或又言玄元

皇帝降于華清宮之朝元閣因改會昌縣曰昭應武城即漢東武城縣後魏曰武城今屬東昌府會昌縣天寶初置七載改昭應宋曰臨潼今屬西安府

二月享玄元皇帝于新廟越三日享太廟越二日合祀天

地于南郊

改官名

待中中書令為左右相丞相改為僕射東北都皆為京

州為郡刺史為太守

三月以韋堅字子金京兆萬年人為江淮租庸轉運使。

初宇文融既敗言利者稍息及楊慎矜得幸于是韋堅

王鉷方翼之孫之徒競以利進百司有事權者稍稍別置使

以領之舊官充位而已堅太子之妃兄也督江淮租運

歲增巨萬上以為能故擢任之王鉷亦以善治租賦為

戶部員外郎

以盧絢嚴挺之為員外詹事

李林甫為相凡才望功業出已右者必百計去之尤忌

文學之士或陽與之善而陰陷之兵部侍郎盧絢絳州

刺史嚴挺之為其所忌皆左遷散秩世謂林甫口有蜜

腹有劍上嘗陳樂于勤政樓下垂簾觀之盧絢謂上已起垂鞭案轡橫過樓下絢風標清雅上目送之

林甫知之。乃召絢子弟。謂曰：交廣藉才。上欲以尊君爲之。若憚遠行。則當左遷。姑以賓詹分務東洛。何如？絢懼。請之。乃除華州刺史。未幾。誣其有疾。除員外詹事。上又嘗問林甫：嚴挺之可用。今安在？挺之時爲絳州刺史。林甫退。召挺之弟。論以上意甚厚。蓋稱疾求還。可以見上挺之從之。林甫以其奏白。上云：挺之老疾。宜且授以散秩。以便醫藥。上歎曰：久之亦以爲員外詹事。

秋七月癸卯朔日食。

癸未二年春正月安祿山入朝。

祿山入朝。上寵待甚厚。謁見無時。祿山奏言去秋營州蟲食苗。臣焚香祝天云：臣若操心不正。事君不忠。願使蟲食臣心。若不負神祇。願使蟲散。卽有羣鳥從北來。食

蟲立盡。請宣付史館從之。

時李林甫領吏部尚書。日在政府。逸事悉委侍郎宋遙。苗

晉卿。選人集者以萬計。遙晉卿以御史中丞張倚得幸于上。擢其子奭爲首祿山言于上。上招入面試之。奭手

舜五臣惟皋繇之後不有
天下然何傷于過種之德
後魏高允以其裔英布出
黥而王舉為刑官之戒其
說固已不經而元宗尊皋
繇為帝因李及理且皋繇
作士並無理官之名附會
誕妄徒為後世所笑而已

持試紙終日不成一字。時人謂之曳白。于是
三人皆坐貶。苗晉卿字元輔潞州壺關人。

三月追尊周上御大夫為先天太皇。皋繇為德明皇帝。時

老子父官周上御大夫。又謂皋繇為理官。以理為姓。
殷周時避難食木子而生。因改姓李。故皆追尊之。

廣運潭在長安成加韋堅右散騎常侍。

堅引澆水源出藍田縣谷中北流至咸寧縣合灞水入渭抵苑東望春樓下為

潭以聚江淮運船役夫匠通漕渠發人邱壘自江淮至

京城民間愁怨二年而成上幸樓觀之堅以新船數百

艘扁榜郡名各陳珍寶陝尉崔成甫著錦半臂紅抹額

居前船唱得寶歌先是民間唱俚歌曰得體紇那邪其後得寶符于桃林成甫更得體歌為

得寶歌辭曰得寶立寶野立農得寶邪潭裏舟船鬧揚

州銅器多三郎當殿坐聽唱得寶歌其俚更甚桃林
縣名隋以漢弘農縣置天寶初于縣
得老子寶符更名靈寶今縣屬陝州使美婦百人盛飾

而和之。連檣數里。堅跪進輕貨。仍上百牙盤食。上置宴。竟日而罷。加堅常侍。吏卒褒賞有差。賜其潭名廣運。

甲申三載春正月。改年曰載。

二月。以安祿山兼范陽節度使。

河北黜陟使席建侯。名豫。以字襄陽人。稱祿山公直。李林甫裴

寬亦順旨稱譽其美。由是祿山之寵益固。

秋突厥亂。册回紇骨力裴羅為懷仁可汗。胡三省曰。回紇自此疆盛。

初。突厥毘伽可汗為其大臣梅錄啜毒死。毘伽被毒。死。誅梅錄啜。

夷其種。其子伊然可汗立。八年死。弟骨咄立。册為登利

可汗。其左部攻殺之。立毘伽可汗子為骨咄葉護所殺。

登利年幼。其母婆匐預政。登利從父二人分掌東西兵。號左右殺。登利與其母誘斬右殺。奪其兵。左殺懼。攻登

利殺之。左殺者。判闕特勒也。遂立毘伽可汗子。俄為骨咄葉護所殺。立其弟。又殺之。葉護遂自立

為可汗。上以突厥內亂。命羽林將軍孫老奴招諭回紇。葛邏祿拔悉密等部。已而拔悉密

及回紇葛邏祿三部並起。攻葉護殺之。尊拔悉密酋長

為頡跌伊施可汗。回紇葛邏祿自為左右葉護。突厥餘

眾奉判闕特勒子為烏蘇米施可汗。上遣使諭烏蘇內附。烏蘇不從。朔方

節度使王忠嗣說拔悉密等部攻之。烏蘇遁去。其西至葉護阿布思及西殺葛臘哆等帥千餘帳。相次來降。至

是拔悉密攻殺烏蘇米施國人。立其弟為白眉可汗。于

是突厥大亂。上敕朔方節度使王忠嗣以兵乘之。忠嗣

破其左廂十一部。獨右廂未下。會回紇葛邏祿共攻拔

悉密。頡跌伊施可汗殺之。奉回紇骨力裴羅定其國。遣

使言狀。上冊拜裴羅為懷仁可汗。懷仁于是南據突厥故地。立牙帳于烏德